

Բայց առանց այդ էլ էրզրումի օրերը հաշւած էին: Նրա դէմ դործում էր ո՛չ միայն Վեհիբ փաշայի օր աւուր անող բանակը, ո՛չ միայն հակառակորդի հրամանատարութեան առաւելութիւնը, ո՛չ միայն շրջակայ քիւրդական հրոսախմբերը, այլ և ուժերի անհամաչափութիւնը — թիւրքերը գերակշռում էին թւով, թիկունքի մահմետական զանգւածները օգնում էին նրանց և էրզրումի աւելի քան 20,000 թիւրք ազգաբնակութեան համակրանքն ու դադտնի օժանդակութիւնը նրանց հետ էր: Ճիշտ է, Անդրանիկը փորձեց ձեռք առնել կտրուկ միջոցներ յայտնապէս թշնամու օգտին ծառայող «Մահմետական Ազգային Կոմիտէի» դէմ, բայց հիմնական շարիքը դրանով չվերացւեց:

Փետր. 14-ից էրզրումը դարձաւ թիւրքերի զինուորական դործողութիւնների անմիջական առարկայ, և հայկական առաջապահ մասերը, նրանց ճնշման տակ, քայլ առ քայլ, կուով քաշւեցին մինչև Իլիջա: Համախմբելով իր ուժերը Իլիջայի դէմ՝ փետր. 26-ին թշնամին դիմեց ուժեղ յարձակման: Սկսւեցին կատաղի կռիւներ, որոնք հետզհետէ տարածւեցին և ուրիշ շրջաններ: Թշնամու յախուռն գրոհի առջև մերոնք նահանջեցին՝ տալով անադին գոհեր: Անդրանիկը ցոյց աւեց անձնական մեծ քաջութիւն և անվեհերութիւն, բայց բանակն ու բերդի պաշտպանութիւնը ղեկավարող չունէր: Որոշ զօրամասեր կուեցին հերոսաբար, ուրիշներ՝ չկատարեցին իրենց պարտականութիւնը: Երեկոյեան դէմ արդէն պարզ էր, որ զրութիւնը անյոյս է: Անդրանիկի հրաւերով դումարեց զինուորական արտակարգ խորհրդակցութիւն, որը որոշեց պարպել քաղաքը և նահանջել:

Յաջորդ օր, փետր. 27-ի վաղ առաւօտից, սկսեց էրզրումի պարպումը, ամենաողբերդական պայմաններում: Զինուորներով ու դաղթականներով լեցւած զնացքներ ու հետիոտն բազմութիւններ շարժւեցին դէպի Հասան—Ղալա: Ժամը 9-ին թիւրքերն արդէն քաղաքում էին: Վերջին հեռացողը ալտեղից էլ, ինչպէս և Երզնկայից, Մուրաան էր իր ձիաւորներով, որ պաշտպանում էր դաղթականութիւնը: Թիւրքերի ձեռքն ընկաւ անհաշիւ ռազմամթերք, պարենաւորում, հագուստ և ուրիշ հարստութիւններ: Քաղաքում մնացած հարիւրից աւելի հայերը կոտորեցին: Իրենց հերթին, նահանջող հայերն էլ էրզրումում ու ճանապարհին կոտորեցին պատահած թիւրքերին:

Ճանապարհին իրենց միացնելով նաև Խնուսի կուռղների մի մասն ու դաղթականութիւնը՝ էրզրումի ուժերը մարտ 2-ին Հասան Սարըղամիչի ուժերին:

Էրզրումի անկումով փաստօրէն ամբողջ թիւրքահայաստանը նորից անցաւ թիւրքերի ձեռքը: Ճիշտ է, Ալաշկերտ—Խնուս—Վան տարածութիւնը դեռ գրաււած չէր, բայց նրա ճակատադիրն էլ որոշւած պէտք էր համարել: Թիւրքահայկական գաւառները նորից դարձան աւերակ և անմարդաբնակ:

Պատերազմը փոխադրւում էր ռուսահայկական հողերի վրա: Բնաջնջման սպառնալիքը կախում էր և հայութեան երկրորդ հատւածի դիւին: Կռիւր ո՛չ միայն ըստ էութեան, ձեւականօրէն էլ ստանում էր հայ—թիւր—